



UNIVERSITÄTS-
BIBLIOTHEK
PADERBORN

Universitätsbibliothek Paderborn

Monvmenta Paderbornensia

Ferdinand <II., Paderborn, Bischof>

Paderbornae, 1669

6. Saxones Hic Amnem Carolvm Transire Parantem.

urn:nbn:de:hbz:466:1-11425

4. BRVNONIS. Frequens hoc nomen apud optimates Saxonum antiquorum. Is qui *Brunisbergam* ad *Visurgim* condidit, nomen ei dedit, & sedem ibidem habuit, frater Widekindi Magni fuit, non æquè ac ille ad retinendam patriam superstitionem obstinatus: nam prior religionem Christianam amplexus legitur. Demum An. 790. obiit, Paderbornæ sepultus. Fabr. l. 2. orig. Saxon.

5. LATINI SANGVINIS INFECTAS CAEDE VISVRGIS AQVAS. Vellei. lib. 2. cap. 105. & amnis mox nostra clade nobilis transitus Visurgis. Varianam intelligit, quæ in via Visurgim versus contigit. Varum ita acceperunt, ut omnibus ejus jussis obtemperatur viderentur: proutque eum à Rheino in Cheruscorum fines ad flumen Visurgim abduxerunt. Dio lib. 56. Nondum tamen illuc pervenerat, in itinere, antequam ad castra sita Alisone posset reverti, à Germanis oppressus & cæsus. Cur igitur ad Varianam cladem alibi illatam Visurgim Vell. & Dio nominarunt? factum id fama amnis, quia hic ex nobilissimis amnibus cladi illi proximus fuit, XX circiter millibus passuum distans. Cluver. lib. 3. cap. 19. Ad ipsam postea ripam Germanicus Cæsar accessit; & flu men quod Romanos Cheruscosque interfluebat, transiit, sed non sine periculo, prælio & cæde.

6. SAXONES HIC AMNEM CAROLVM TRANSIRE PARANTEM. Quemadmodum acies Germanorum trans Visurgim stans, Germanicum transitu prohibere conata est, ita Carolum quoque, juxta *Brunesbergam*, Saxones arcere tentarunt. ut Poëta Anonym. lib. 1. A. 775. Vita Caroli M. apud Pithœum. Annales incerti Autho. apud eundem. Regin. Adelm. & Astronom. apud Reuberum, cuius hæc verba. *Inde ad VVisaram fluvium veniens*

K

niens

niens, in loco, qui Brunesberg vocatur, congregatam Saxonum multitudinem offendit, quæ eum transitu fluminis arcere conabatur. Sed frustra, nam in prima congressione pulsi fugati que sunt, & magnus eorum numerus ibidem interfectus est. Non tam facile fuit Brunisbergam expugnare. Cranz. lib. 2. Saxon. cap. 10. Inde verò majore apparatu dicens Rex in provinciam, Siburg & Eresburg arces iterum à Saxonibus communitas denuo expugnavit, & in arcem Brunsberg, quæ omnium firmissima erat ad Visurgum fluvium, duxit oppugnandam: fuerat enim validum Saxonum præsidium. Firmata est obsidio: ferunt remanere in hodiernis villis nomina ex castris regis, quæ tumerant tripartita: ut alio loco rex cum robore exercitus, alio etiam auxiliares tenderent: & tertio loco suis erant in castris qui stipendia mererent. Adiiciunt Gallici Regem obsidionis pertæsum duxisse partem copiarum in Westphalos, Angarios. &c.

7. TELIS. Varia armorum telorumque genera Cluver. lib. 1. c. 45. enumerat, ex quibus Saxones longis lanceis, parvis scutis, & cultellis magnis usi fuerunt. Widukind. lib. 1. An. illis hæc loquentibus mirati sunt Franci præstantes corpore & animo viros, & novum habitum, arma quoque & diffusam scapulis cæsariem, & supra omnia ingentem animi constantiam: nam vestiti erant sagis, & armati longis lanceis, & subnixi stabant parvis scutis, habentes ad renes cultellos magnos. Georgius Fabritius orig. Saxoniarum lib. 1. pag. 66. de Saxonum armis etiam agit.

8. LITORE NVNC ILLO REGNAS CORBEIA. De cuius origine Anonymus in libello de translat. S. Viti, & instit. novæ Corb. à Meibomio edito, post notas ad Widickindi Corbejensis hist. pag. 141. Factum est autem eodem tempore, ut Serenissimus Imperator Luduvicus haberet placitum